



UDRUŽENJE INŽENJERA I TEHNIČARA ŠUMARSTVA FEDERACIJE BOSNE I HERCEGOVINE
ŠUMARSKO UDRUŽENJE FEDERACIJE BOSNE I HERCEGOVINE – UŠIT FBIH
FORESTRY ASSOCIATION OF FEDERATION OF BOSNIA AND HERZEGOVINA
T.R.N.: 1011010000430716 - Privredna banka Sarajevo
ID: 4200201050000; P.B.: 01078773

Sarajevo, 30.09.2021. godine
Broj: 01/S/21

ZAPISNIK
SA XXI. REDOVNE SKUPŠTINE
UDRUŽENJA INŽENJERA I TEHNIČARA ŠUMARSTVA FEDERACIJE BiH

Održane u Privrednoj komori FBiH u Sarajevu u četvrtak 30.09.2021. godine, sa početkom u 11:00 sati. Prisutno je bilo 36 (tridesetšest) delegata, a odsutno 29 (dvadesetdevet) delegata uz prisustvo 3 (tri) gosta.

Predsjednik Skupštine je nakon obavjesti utvrdio da postoji kvorum za njeno održavanje, te je upitao delegate da li imaju pitanja vezana za rad Udruženja u proteklom periodu.

Pošto nije bilo pitanja, Skupštini je predložio dostavljeni prijedlog

DNEVNI RED

1. Otvaranje Skupštine, izbor Radnog predsjedništva i zapisničara.
2. Pozdravne riječi.
3. Razmatranje i usvajanje zapisnika sa XX. Redovne Skupštine UŠIT-a FBiH.
4. Razmatranje i usvajanje:
 - a) Izvještaja o radu za 2020. godinu.
 - b) Finansijskog izvještaja za 2020. godinu.
 - c) Izvještaja Nadzornog odbora za 2020. godinu.
5. Razmatranje i usvajanje:
 - a. Plana rada za 2021. godinu.
 - b. Finansijskog plana za 2021. godinu.
6. Tekuća pitanja.

Predsjednik Skupštine je naglasio da zbog aktuelne situacije oko postupka donošenja Zakona o šumama FBiH predlaže dopunu dnevnog reda, te Skupština Udruženja jednoglasno donosi sljedeći

ZAKLJUČAK

- Usvaja se predložena dopuna dnevnog reda:

DNEVNI RED

1. Otvaranje Skupštine, izbor Radnog predsjedništva i zapisničara.
2. Pozdravne riječi.
3. Razmatranje i usvajanje zapisnika sa XX. Redovne Skupštine UŠIT-a FBiH.
4. Razmatranje i usvajanje:
 - d) Izvještaja o radu za 2020. godinu.



UDRUŽENJE INŽENJERA I TEHNIČARA ŠUMARSTVA FEDERACIJE BOSNE I HERCEGOVINE
ŠUMARSKO UDRUŽENJE FEDERACIJE BOSNE I HERCEGOVINE – UŠIT FBiH
FORESTRY ASSOCIATION OF FEDERATION OF BOSNIA AND HERZEGOVINA
T.R.N.: 1011010000430716 - Privredna banka Sarajevo
ID: 4200201050000; P.B.: 01078773

- e) Finansijskog izvještaja za 2020. godinu.
- f) Izvještaja Nadzornog odbora za 2020. godinu.
- 5. Razmatranje i usvajanje:
 - c. Plana rada za 2021. godinu.
 - d. Finansijskog plana za 2021. godinu.
- 6. Razmatranje i usvajanje stava o postupku donošenja Zakona o šumama FBiH.
- 7. Tekuća pitanja.

Ad. 1. Predsjednik Skupštine je zvanično otvorio XXI. Redovnu Skupštinu Udruženja, te je po Poslovniku o radu Skupštine Udruženja predložio za Radno predsjedništvo Skupštine sljedeće delegate: Emina Grabus - član, Suvad Prelo - član i Ahmet Lojo - predsjednik Radnog predsjedništva, a za zapisničara Azera Jamakovića, te je iznešenih prijedloga, Skupština jednoglasno usvaja sljedeći

ZAKLJUČAK

- Usvaja se prijedlog predsjednika Skupštine za Radno predsjedništvo i zapisničara XXI. Redovne Skupštine Udruženja: Emina Grabus - član, Suvad Prelo - član i Ahmet Lojo - predsjednik Radnog predsjedništva. Za zapisničara se imenuje Azer Jamaković.

Ad. 2. Skupštini su se sa pozdravnim riječima, te željama za uspješnim radom Skupštine, obratili: Refik Hodžić, dipl.ing.šum. - predsjednik Udruženja i mr.sc. Nevres Alispahić - predsjednik Sekcije inženjera šumarstva Inženjerske komore FBiH.

Ad. 3. Predsjednik Skupštine je stavio na razmatranje Zapisnik sa XX. Redovne Skupštine UŠIT-a FBiH.

Predsjednik Skupštine je pojasnio da je Skupština bila zakazana za 22. mart 2020. godine, ali je odgođena zbog pandemije, te je održana online elektronskim putem, nakon Odluke Upravnog odbora da se održi na taj način i danas je zapisnik stavljen na razmatranje i usvajanje. Ukratko je prezentirao aktivnosti koje su sprovedene u proteklom periodu.

Pošto nije bilo diskusije, Skupština Udruženja donosi slijedeći

ZAKLJUČAK

- Jednoglasno se usvaja Zapisnik sa XX. Redovne Skupštine UŠIT-a FBiH.

Ad. 4. a), b) i c) Predsjednik Udruženja je prezentirao Izvještaj o radu za 2020. godinu, dok su Finansijski izvještaj za 2020. godinu ukratko prezentirali predsjednik Skupštine i predsjednik Udruženja istakavši sprovedene aktivnosti, kao i činjenicu da su ugovori za kolektivnu članarinu za 2020. godinu bili umanjeni za 50% zbog pandemije.



UDRUŽENJE INŽENJERA I TEHNIČARA ŠUMARSTVA FEDERACIJE BOSNE I HERCEGOVINE
ŠUMARSKO UDRUŽENJE FEDERACIJE BOSNE I HERCEGOVINE – UŠIT FBIH
FORESTRY ASSOCIATION OF FEDERATION OF BOSNIA AND HERZEGOVINA
T.R.N.: 1011010000430716 - Privredna banka Sarajevo
ID: 4200201050000; P.B.: 01078773

Nijaz Humkić je upitao da li su za 2021. godinu planirani ugovori o kolektivnoj članarini u 100% iznosu, na što je dobio potvrđan odgovor od predsjednika Skupštine i Udruženja. Predložio je da svakako moraju biti planirani u punom iznosu.

Pošto nije bilo dalje diskusije, predsjednik Skupštine je istakao da su svi prisutni dobili Izvještaj Nadzornog odbora za 2020. godinu pismenim putem, te je predsjednik Skupštine tri izvještaja stavio na glasanje, te Skupština Udruženja jednoglasno donosi sljedeću

ODLUKU

- Usvajaju se Izvještaj o radu za 2020. godinu, Finansijski izvještaj za 2020. godinu i Izvještaj Nadzornog odbora za 2020. godinu.

Ad. 5. a) i b) Predsjednik Skupštine je zamolio predsjednika Udruženja da ukratko prezentira Plan rada za 2021. godinu, koji je u značajnoj mjeri i realizovan.

Predsjednik Udruženja je naglasio organizaciju međunarodnog seminara iz zaštite šuma do kraja godine. Trebali bi održati jednu protivpožarnu obuku naših kolega u međunarodnom trening centru u Turskoj. Planirano je potpisivanje sporazuma o bratimljenju između organizacija i preduzeća šumarstva FBiH sa regionalnim direkcijama šumarstva i Generalnom direkcijom za šumarstvo Republike Turske i realizacija projekta softvera za protivpožarnu zaštitu FBiH. Također je planirana aktivnost na nastavku organizacije 53. EFNS-a.

Predsjednik Udruženja je ukratko prezentirao i Finansijski plan za 2021. godinu istakavši projekte kroz koje dobijamo sredstva u koju su uključeni administrativni troškovi Udruženja. Naglasio je da su planirani standardni troškovi, ostavljen je i EFNS. Istakao je da će Udruženje dobiti kombi od Generalne direkcije šumarstva Republike Turske, gdje su planirani troškove carine i poreza na ime toga. Svima su poslani ugovori u punom iznosu, ali ŠPD „Srednjobosanske šume“ su poslale dopis da neće potpisati puni iznos, ali će kroz neku aktivnost finansirati razliku iznosa. Također JP „ŠPD ZDK“ je tražio potpisivanje iznosa na 50% i ove godine zbog problema u poslovanju. Naglasio je da članovi iz JP „ŠPD ZDK“ redovno izmiruju pojedinačnu članarinu.

Predsjednik Skupštine je naglasio da imamo ne tako male troškove dočeka stranih delegacija u Bosnu i Hercegovinu, a posebno delegacija iz Republike Turske.

Nakon diskusije, Skupština Udruženja jednoglasno donosi sljedeću

ODLUKU

- Usvaja se Plan rada za 2021. godinu.
- Usvaja se Finansijski plan za 2021. godinu.

Ad. 6. Predsjednik Udruženja je prezentirao informaciju o proceduri usvajanja prijedloga Zakona o šumama FBiH u parlamentarnoj proceduri. Mi smo primjedbe na osnovu Vaših dostavljenih primjedbi dostavili FMPVŠ-u. Kontaktirali su me iz ministarstva i zatražili da dostavimo amandmane na prijedlog zakona, jer se jedino tako trenutno može djelovati. Veliki je broj amandmana od različitih stranaka i



UDRUŽENJE INŽENJERA I TEHNIČARA ŠUMARSTVA FEDERACIJE BOSNE I HERCEGOVINE
ŠUMARSKO UDRUŽENJE FEDERACIJE BOSNE I HERCEGOVINE – UŠIT FBIH
FORESTRY ASSOCIATION OF FEDERATION OF BOSNIA AND HERZEGOVINA
T.R.N.: 1011010000430716 - Privredna banka Sarajevo
ID: 4200201050000; P.B.: 01078773

Saveza općina i gradova i ne znam koliko se to može sada djelovati na takav način. Svi amandmani traže što više para iz šume i udio u vlasti. Pitanja planiranja u šumarstvu i ostala druga pitanja nisu im bitna. Ima dosta članova koji se proturječe našem stavu. Mi trebamo prečistiti tekst amandmana koje smo poslali i da ponovo dostavimo, jer će ministarstvo ići od člana do člana da se usvoje izmjene. Tražimo dozvolu da prečistimo tekst iz 2017. godine i dostavimo FMPVŠ i Vladi FBIH.

Ahmet Sejdić se izvinuo što je zakasnio. Pozdravio je sve prisutne i naglasio da nije se jedini UŠIT suprostavio ovakvom prijedlogu Zakona o šumama FBIH i bit će teško to popraviti amandmanima. UŠIT mora biti više uključen i moramo donijeti novi zakon koji će umnogočemu unaprijediti trenutno stanje. Vjerujem da Udruženje više radi na ovome i da sinhronizovano djelujemo. Svi hoće pravo na šumu. Treba jedinstveno upravljanje i planiranje.

Nevres Alispahić je istakao da smo mi šumari možda najgori sami sebi. Istakao je loše primjere privatizacije, istakavši da je ovakav prijedlog zakona nakaradan i da naše kolege iz ministarstva su najveći kočničari usvajanja kvalitetnog zakona. 62 amandmana je bilo od UŠIT-a, a usvojeno je samo 7 amandmana. Veliki je broj prijedloga od lokalnih zajednica i drugih koja nisu realna, a mi kao šumari moramo sjesti zajedno i pokazati jasan zajednički stav.

Predsjednik Udruženja je istakao da je jasno šta u zakonu jeste za struku, a što ide protiv struke. Koji je metod da ovaj zakon ne prođe, to je najbitnije i na tome se moramo skoncentrisati. Istakao je problematiku u zakonu, kojom bi se preduzeća šumarstva stavila u položaj da budu opterećena i da ne mogu opstajati na tržištu. Kako da se izborimo da ova verzija zakona se ne usvoji.

Nakon diskusije, Skupština Udruženja jednoglasno donosi sljedeće

ZAKLJUČAK

- Daje se saglasnost Upravnom odboru Udruženja da predloži amandmane na Prijedlog Zakona o šumama FBIH.

Ad. 7. Nije bilo diskusije po ovoj tački dnevnog reda.

Skupština je završena u 12,45 sati.

Zapisnik vodio

Azer Jamačović, dipl.ing.šum.